

醫

衡



葉天士醫西衡

後附薛生白
日講雜記

正古書屋藏板



同治癸酉
仲春重鐫



序

近世醫理不明醫學荒雜治病不辨三因虛實一概籠
統用藥以致虛虛實實殺人如麻曷勝悼歎良由不肯
留心前人論病論脈論治諸說遂至越規矩棄繩墨師
心自用若欲脫去陳方舊論而獨闢新奇殊不知仲景
而下如河澗丹溪東垣潔古海藏諸賢衡症衡脈用藥
立方絲絲入扣不偏不倚如物之有衡焉法有定衡不
及於衡者擴而充之太過於衡者約而斂之庶可以起

沉痾而不悞人命余早歲業醫深陋俗習渴欲抗衡前
人以爲近日醫流砥柱彙采前人論病論脈論治精確
不磨之論說以成上下卷標其目爲醫衡垂作模楷則
三因辨虛實分目無籠統用藥之弊是不特後學之可
爲衡鑒卽余之惟日孳孳長恐悞人者亦未嘗敢越此
衡中也竊願持衡不失得進而抗衡前人則幸矣

古吳葉桂天士書

葉天士醫衡目錄

卷上

養生論

李南豐著

運氣說

張景岳著

奇經八脈大旨

李時珍著

六脈綱領

張會卿著

血營氣衛論

周汝鳴著
沈明生刪

君臣佐使逆從反正說

倪仲賢著



南京中醫藥大學圖書館藏

吐汗下該盡治法論

張戴人著

補瀉當分緩急有無

張戴人著

推內經不宜主王氣說

張戴人著

陽有餘陰不足論

虞花谿著

病有真假辨

虞花谿著

虛損宜分陰陽施治論

虞花谿著

因病似虛因虛致病論

沈明生著

中風五派異同論

杜銅峯著



中風證治論

張景岳著
朱端生校

酒人多中風說

沈明生著

痺證折微論

沈明生著

痿論

杜銅峯著

風痺痿論

梅公燮著

厥論

王損菴著

風厥辨

王損菴著

傷寒約法

李念莪刪本
張會卿著



南京中醫藥大學圖書館藏

論六經無再傳

聞要編

論寒證無傳經

聞要編

訛稱陰症辨

沈明生著

釋六經七日病愈

聞要編

溫病熱病解

原病集
朱端生改

辨正風溫溫瘧溫毒溫疫

從喻嘉言春
溫論較訂

溫疫論

喻嘉言著

中風中熱論

王安道著



南京中醫藥大學圖書館藏

傷暑脈症論

王安道著

濕論

杜銅峯著

霍亂證治論

王損菴著

痺疾證治論

張景岳著

痢疾證治論

張景岳著

泄瀉九法論

李念義著

腳氣論

王損菴著
梅公燮著



葉氏醫衡卷上

資州林金濤鏡波校訂

養身論

李南豐著

猗歟哉歷代醫書之盛凡三百七十九家五百九十六

部一萬三千一百餘卷反復詳明其要主於卻病而已

然內經有一言而可盡廢諸書則不治已病治未病是

也此說一出而後多以修養爲言不知夫修養與保養

原有異修養則雜於方外元遠而非恆言恆道保養

則於日用飲食而爲可法可經如運氣之法運任督者

久則生癰連脾土者久則腹脹運丹田者久則尿血運
頂門者久則腦泄其餘丹砂烹煉之說遺禍累累然則
修養之與保養不大相逕庭哉請述保養之法上古天
真論曰飲食有節起居有常不妄作勞精神內守病安
從來故形與神居而盡終夫天年度百歲乃去此保養
之正宗也蓋有節有常則氣血從軌而無事於搬運之
煩精神內守則身心寧定而無事於制伏之強形與神
居而神不離形形不離神而無損天年之慮保養旣若

是之易且顯何今之夭者多而壽者少歟蓋香醪美劑
陳於前雖病所忌也而弗顧情況意興動於中雖病所
禁也而難遏貪名覓利之心急雖勞傷過度而不覺何
況心神百結斲耗多端劉孔昭曰萬人操弧而向一鵠
鵠能無中乎萬物炫耀以惑一生生能無傷乎卽有少
知收斂精神安居靜養者又不知百年機括希求不死
雖終日閉目祇是一團私意靜亦動也若識透百年定
分而事事循理不貪不躁不妄可以卻未病而盡天年

矣蓋主乎私則生死念重而昏昧錯妄愈求靜而不靜
主乎理則人欲消亡而心清神悅不求靜而自靜此吾
所以但言保養而不言修養也然則保養之法不亦盡
廢諸書乎避風寒以保其皮膚六府則麻黃桂枝溫中
四逆之劑不必服矣節勞逸以保其筋骨五臟則補中
益氣劫勞健步之劑不必服矣戒色欲以養精正思慮
以養神則滋陰降火養營凝神等湯又何用哉薄滋味
以養血寡言語以養氣則四物四君十全三和等湯又

何用哉要之血由氣生氣由神全神乎心乎養心莫善
於寡慾吾聞是語未見其人不得已而仍從一萬三千
一百餘卷中更覓一治已病之法也

運氣說

張景岳著

運氣之說有太過不及而勝復由以生焉太過者其氣
勝勝而復制則傷害甚矣不及者其氣衰衰而復尅則
敗亂極矣此勝復循環之道出乎天地之自然而亦不
得不然也故在天有五星勝氣之應在地有萬物盛衰



中國醫藥大學圖書館藏

之應在人則有臟府疾病之應如木強勝土則歲星明而填星暗土母受傷子必復之故金行伐木以救困土則太白增光歲星反晦也凡氣之現於上者則災應乎下宿屬受傷逆犯尤甚五運互爲勝復其氣皆然至其爲病如木勝肝強必傷脾土肝勝不已燥必復之而肝亦病矣燥勝不已火必復之而肺亦病矣此五臟互爲盛衰其氣亦皆然也夫天運之有太過不及者即如人身之有虛實也惟其有虛而復強者勝之有勝而復承

者復之無衰則無勝矣無勝則無復矣其氣和平焉得
有病恃強肆暴元氣盡焉得毋虛故曰有勝則復無勝
則否勝微則復微勝甚則復甚可見勝復之微其由變
化之盛衰本無其常也六元正紀論所載天時地化人
事等議至詳至脩蓋以明其理之常者如此也卽如周
易之六十四卦三百八十四爻乃開明易道之微妙乃
教人因易以求理因象以致變故孔子曰書不盡言言
不盡意此其大義正與本經相同夫天道玄微本不易



中医药大学图书馆